



FRAMLEGG: Lokale retningslinjer for tildeling av tilskot til tiltak i beiteområde i Vaksdal kommune, 2021- 2025.

FØREMÅL

Føremålet med tilskot til tiltak i beiteområde er å leggje til rette for best mogleg bruk av beiteressursane i utmark, redusere tap av dyr på beite og fremje fellestiltak ved organisert beitebruk.

MÅLFORMULERINGAR

Planlegging og organisering

- Beitebruksplanar skal liggje til grunn for bruk av utmarksbeitet.
- Alle beiteområde i kommunen skal ha registrerte beitelag og organisert beitebruk.

Bruk av beiteressursane

- Utmarks-/fjellbeiteressursane skal nyttast aktivt i heile kommunen.
- Beitehaldarane skal ha eit aktivt og etablert samarbeid om drift og tiltak gjennom beitelaga.
- Eventuelle flaskehalsar som vanskeleggjer nytting av beiteressursane, skal løysast.

Dyrevelferd på beite

- Dyrevelferden på beite skal vere høg, gjennom låge tap, friske dyr og aktivt tilsyn.

Kultur og fleirbruk

- Beitehald i utmark skal oppretthaldast som ei drifts- og kulturform.
- Beitebruken skal ikkje gå ut over naturgrunnlag og landskap.
- Det skal vere kontakt/samarbeid med andre brukar-/interessegrupper i utmark om beitebruk.

PLANAR OG RETNINGSLINER

Statleg/overordna planverk

- «Forskrift om tilskudd til tiltak i beiteområder», med Rundskriv 2019-45.
- Nasjonalt miljøprogram 2019.
- Regionalt miljøprogram for Vestland 2019-2022.
- Statlege retningslinjer for SMIL-midlar og investeringstilskot.

Kommunale planar og strategiar med verknad for retningslinene

- Kommuneplan for Vaksdal kommune, 2017-2028.
- Strategisk næringsplan.
- Kulturplan for Vaksdal 2016-2026.
- «Viltet i Vaksdal».
- Retningslinjer for spesielle miljøtiltak i landbruket (SMIL).

SØKNADSFRIST

Søknadsfristen er 1. mars kvar år. Søknaden skal primært leverast elektronisk via Altinn.

TEMATISKE SATSINGSOMRÅDE MED TILTAK

Vektlegging/prioriteringar

Det er ikkje gjort ei konkret prioritering eller vektlegging mellom ulike tiltak, men kommunen kan gjere ei slik vurdering ut frå venta effekt/nytteverdi av tiltaka og innhaldet i søknadane. Søknadar om midlar til faste instalasjonar og teknologi knytt til beitebruk, vil i utgangspunktet bli prioritert høgt.

I vurderinga vil det bli teke inn om det er gjeve tilskot til same type tiltak før, og kor nyttig/naudsynt det er med nytt innkøp/nye investering for laget. Vurderinga vil mellom anna bli sett i høve til tilgjengelege midlar, innkomne søknadar og statleg regelverk.

Ut frå at driftstilskotet til beitelag har auka gjennom RMP-midlane, kan laga sjølv ta ansvar for mindre tiltak. Slike tiltak og lett omsettelege varer vil difor ha låg prioritert.

Kommunen kan vektlegge søkjar si eigenfinansiering (i kroner eller eigeninnsats) som kriterie ved prioitering av søknadar.

A) Faste og flyttbare investeringstiltak som kan få tilskot:

Innanfor rammeverket kan det gjevast tilskot til følgjande tiltak som fremjar beitebruk:

- Elektronisk overvakingsutstyr (radiobjøller, lammenoder, merkesavlesarar, findmysheep,..). Tilskot skal sjåast opp mot eks. utstyr/behov for nytt innkjøp.
- Sanke- og skiljeanlegg. Tilskot må sjåast i høve til føringar i regelverket om tilskot til same type investeringstilskot (forskrift + rundskriv).
- Sperregjerde
 - Skal hindre beitedyr i å komme ut av beiteområdet eller til område der dyr kan falle utføre eller setje seg fast. Gjermålet kan også tene til å avgrense beiteområdet mot veg, jernbane, tettbygde stork og samanhengande jordbruksområde. Investeringsmidlane gjeld ikkje tilskot til gjerde som fell under «Lov om grannegjerde».
- Bruer.

Det kan gjevas tilskot til bruer som er dimensjonert for føring av beitedyr. Dersom bruene er kraftigare dimensjonert kan kostnadsoverslag eller tilskotsdel verte redusert tilsvarande.
- Ferister
 - Bør være av godkjent fabrikkat eller bygd etter standardteikningar.
- Gjetarhytter
 - Kostnadsoverslag kan omfatte hytter på inntil 20 m² med kvadratmeterpris som tilsvarar gjennomsnittleg kostnad for hytter av enkel standard i det aktuelle området. Avklaring i høve til kommuneplan og PBL.
- Anlegg/rydding/ utbetring av driftevegar.
- Prammar/båtar som lettar drift og tilsyn – og evt. til frakt av beitedyr (flåte).
- (Saltsteinsautomatar). Låg prioritet. Naturleg at laget i stor grad dekkjer sjølv.
- (Elektronisk gjerde). Låg prioritet. Ikkje tilskot til å gjerde inn beitedyr!

Føresetnaden for tilskot til faste installasjonar er løyve frå grunneigarar og avtale med andre som har rettar i beiteområdet, eller som blir direkte råka av tiltaket. Det kan ikkje gjevast tilskot til same type investeringstiltak før etter 20 år for hytter og 15 år for andre faste installasjonar.

B) Planleggings- og tilretteleggingsprosjekt

Gjeld ulike typar prosjekt om organisering og tilrettelegging av utmarksbeita for god og effektiv beitebruk. Dette kan m.a. omfatte:

- Planlegging og prosjektering av faste installasjonar.
- Etablering av beitelag i område som ikkje har registrerte lag.
- Ny organisering av beitelag og utmarksbeiteområder – høg prioritet.
- Prosjektretta arbeid for stimulering til auka beitebruk og rasjonell bruk av beita
- Tidsavgrensa utprøving av nytt utstyr som kan føre til effektiv/god beitebruk.
- Utarbeide planar (beitebruksplan, tiltaksplan, beredskapsplan,..) for fjellbeite.
- Vegetasjonskartlegging.

RETNINGSGJEVANDE TILSKOTSSATSAR

«Forskrift om tilskudd til tiltak i beiteområder» dannar rammene. Nedre tilskotssats: 30 %.

Område	Tiltak - døme	Tilskotssats	Merknad
Elektronisk sporingsutstyr	Radiobjøller, lammenoder, merkesavlesarar, og anna aktuelt elektronisk utstyr	Maks. 70 % av godkjend kostnad. Tilpassa søknadsomfang, behov/ nytte og tilgj. midlar m.m	Prioritert; beitelag med mindre omfang av sporingsutstyr, under 20% Kostnad; innkjøpspris.
Faste installasjonar	Sanke og skiljeanlegg. Bruer dimensjonert for dyr og folk. Sperregjerder, m.m.	Maks. 50 %, jf. § 3 i forskrifta	Kostnad; materialkostnadar og arbeidskostnadar. Eige arbeid skal dokumenterast med timelister.
Faste og meir kostnadskrevjande investeringar	Kraftigare dimensjonert bruer, meir kostnads-krevjande tiltak i hegner.	Minst 30 %	Kostnad; material- og arbeidskostnadar. Eige arbeid skal dokumenterast med timelister.
Planleggingstiltak	Beitebruksplanar, planleggingstiltak, større investeringar. Andre tiltak som fremjar beitebruk.	70%	Vert fastsett etter konkret vurdering frå kommunen i kvar einskild sak.

TIMESATSAR: Manuelt arbeid kr 350,-/time (inkl. motorsag o.l.).

Arbeid traktor kr 600,-/time

Arbeid gravemaskin kr 800,-/time (eller etter rekning).

INNLEIGD HJELP: Faktisk kostnad etter faktura. Kan gjerast vurdering av kostnaden.

Strategien er vedteken av kommunestyret i Vaksdal kommune den xx.xx.xx., jf. sak xx/xx